



# **JABATAN PERKHIDMATAN VETERINAR**

**LAPORAN PEMANTAUAN MEDIA**

**23 MEI 2024 (KHAMIS)**



# Maklumat Lengkap Tentang Haiwan Dalam Satu Buku

**MEDIA**

Kosmo!

**RUANGAN**

K2

**MUKA SURAT**

21

**TARIKH**

23 Mei

Bawah Bayu pada satu hari nanti.

Katanya, kad pengenalan haiwan memiliki maklumat rasmi lengkap dan diiktiraf kerajaan, sekali gus memudahkan urusan membawa haiwan itu ke mana sahaja.

"Dengan adanya kad pengenalan ini, saya tidak perlu lagi membawa banyak dokumen seperti kad vaksin dan surat pengesahan kesihatan.

"Proses untuk pengesahan juga tidak sukar kerana kucing hanya perlu periksa nombor mikrochip dan maklumat dalam buku. Pasport ini juga kecil dan mudah bawa. Oleh itu, senang kalau berkaitan dengan urusan yang memerlukan kita menempuhi imigresen," katanya.

Sebagai rekod, maklumat asas dalam kad pengenalan haiwan meliputi nama, spesies, baka, jantina, status mandul, warna, tarikh lahir, nombor pasport, tarikh dikeluarkan dan pendaftar lokasi mikrochip serta gambar.

Pada bahagian belakang pula disediakan ruang untuk kemas kini vaksin, ubat kutu dan ubat cacing yang perlu dilakukan secara berkala.

Sementara itu, proses memasukkan mikrochip ke bawah lapisan kulit di antara dua tulang belikat hanya memakan masa kurang dari lima minit.

Pegawai Unit Daya Jejak, Bahagian Kawalan Penyakit Dan Biosekuriti Veterinar Putrajaya, Muhammad Nur Daniel Abu Hasan berkata, haiwan tidak boleh dimandikan dalam tempoh tiga hari hingga satu minggu selepas prosedur memasukan mikrochip.

"Rongga belakang haiwan masih lagi terbuka selepas prosedur dan hanya akan bercantum semula secara perlahan-lahan dalam masa tiga hari hingga seminggu.

"Pemilik juga digalakkan untuk memantau dan mengurut belakang haiwan mereka agar mikrochip tidak terkeluar akibat pergerakan aktif sepanjang tempoh tersebut," jelasnya.

Menariknya, mikrochip berkenaan tidak boleh dikeluarkan melainkan pemilik melakukan prosedur pembedahan di kawasan ia 'ditanam'.

Ini bermaksud, penggunaan kad pengenalan haiwan mampu memupuk sifat tanggungjawab pemilik kerana maklumat mereka ada pada mikrochip



MUHAMMAD NUR DANIEL (kiri) dan Mohd. Nur Al-Quddus menunjukkan buku Kad Pengenalan Haiwan Malaysia.

## INFO

### Kad Pengenalan Haiwan Malaysia

- Kad Pengenalan Haiwan atau Pet Passport merupakan dokumen rasmi Kerajaan Malaysia di bawah Projek Sistem Kebolehesanan Haiwan Malaysia (MATs)
- Tujuan pengenalan kad pengenalan haiwan adalah untuk membantu dalam kawalan penyakit dan meningkatkan sistem kebolehesanan haiwan
- Ia juga untuk mempromosikan tanggungjawab pemilikan haiwan peliharaan dan menggalakkan kesedaran dalam kebajikan haiwan
- Terdapat dua jenis kad pengenalan haiwan iaitu saiz lebih kecil untuk anjing, kucing dan arnab, manakala saiz besar bagi kuda
- Harga adalah mengikut perkhidmatan keseluruhan yang dilakukan ketika pemasangan mikrochip dan pendaftaran kad pengenalan haiwan
- Orang ramai boleh layari [petpassport.dvs.gov.my](http://petpassport.dvs.gov.my) untuk maklumat lanjut

terbabit.

Sekiranya mahu menukar hak milik haiwan, pemilik boleh mengemas kini maklumat dalam kad pengenalan dan

mikrochip haiwan di DVS atau klinik berdaftar.

Apabila haiwan tersebut mati, pemilik boleh mengemas kini maklumat di DVS berdekatan.


Bagi pemilik yang mahu membawa merentasi sempadan atau terbang ke luar negara, mereka hanya perlu menambah permit import dan eksport dari negeri atau negara terlibat.

Bagaimanapun, pemilik perlu mengemas kini maklumat vaksin rabies, pemeriksaan kesihatan dan maklumat rawatan cacing pita bagi sesetengah kes. Menurut Pembantu Veterinar Seksyen permit dan Eksport Negeri Selangor, Mohd. Nur Al Quddus Ab. Rahman, pemilik haiwan perlu merujuk maklumat diperlukan oleh negara destinasi.

Katanya, setiap destinasi memiliki syarat yang berbeza berdasarkan situasi tertentu.

"Setakat ini, tiada halangan untuk membawa haiwan merentasi negeri di Semenanjung. Untuk Sabah dan Sarawak, pemilik memerlukan beberapa dokumen tambahan.

"Mereka perlu bawa maklumat vaksinasi rabie, permit import Sabah atau Sarawak dan permit eksport negeri terlibat di Semenanjung," ujarnya.



ORANG ramai mendapatkan maklumat mengenai kad pengenalan haiwan.

## Tarik Minat Anak Muda Sertai Dunia Veterinar

MEDIA	RUANGAN	MUKA SURAT	TARIKH
Kosmo	K2	21	23 Mei



LOKMAN HAKIM

### Tarik minat anak muda sertai dunia veterinar

PEGAWAI veterinar memainkan peranan penting dalam memastikan keselamatan makanan negara terjamin.

Ini melalui penglibatan mereka dalam pelbagai aspek kesihatan haiwan, keselamatan makanan, dan amalan pertanian.

Ketua Setiausaha Kementerian Pertanian dan Keterjaminan Makanan (KPKM), Datuk Lokman Hakim Ali berharap kerajaan akan mewujudkan insentif bagi menarik lebih ramai anak muda menyertai bidang tersebut.

Katanya lagi, ia juga bertujuan bagi mengekalkan bakat dalam bidang tersebut supaya mereka terus berkhidmat di negara ini.

"Kita perlu dapatkan kerjasama kukuh di peringkat kementerian termasuk Kementerian Pendidikan Tinggi serta universiti tempatan dan swasta.

"Kita juga perlu beri pakej insentif setara dengan pegawai perubatan bagi meningkatkan penyertaan dalam industri veterinar," katanya.

Sebagai rekod, Malaysia dianggarkan memerlukan lebih 6,400 pegawai veterinar di seluruh negara, namun buat masa ini hanya ada 2,236 pegawai veterinar.

Menurut Lokman Hakim, Universiti Putra Malaysia hanya mengeluarkan 140 hingga 150 graduan veterinar, manakala Universiti Malaysia Kelantan pula menghasilkan sekitar 40 veterinar setiap tahun.

"Peranan veterinar amat kritikal dalam mengenal pasti dan mengawal risiko penyakit, menjalankan penyelidikan dan pembangunan baka baharu.

"Mereka juga bertanggungjawab memeriksa dan memantau haiwan serta produk seperti daging, susu, dan telur.

"Ia bagi memastikan setiap produk daging yang kita makan adalah selamat, bersih, berkualiti, dan halal," katanya.

**TERIMA KASIH**

DISEDIAKAN OLEH:

UNIT KOMUNIKASI KORPORAT  
JABATAN PERKHIDMATAN VETERINAR